


集部輯佚文獻彙編

翟金明

主編

國家圖書館出版社

73



集部輯佚文獻彙編

73



翁中 題

華夏書畫出版社

(南朝梁)何遜撰
(清)嚴可均輯

何遜

清光緒二十年(1894)黃岡王氏刻《全梁文》本

第七十三册目錄

別集(七十三)

南朝梁(七)

何遜	(南朝梁)何遜撰	(清)嚴可均輯	一
何遜	(南朝梁)何遜撰	丁福保輯	五
劉歊	(南朝梁)劉歊撰	(清)嚴可均輯	三八
釋智藏	(南朝梁)釋智藏撰	(明)馮惟訥輯	四三
釋智藏	(南朝梁)釋智藏撰	(清)嚴可均輯	四五
釋智藏	(南朝梁)釋智藏撰	丁福保輯	四七
孔翁歸	(南朝梁)孔翁歸撰	(明)馮惟訥輯	四九
孔翁歸	(南朝梁)孔翁歸撰	丁福保輯	五二
吳均	(南朝梁)吳均撰	(明)馮惟訥輯	五五

吳朝請集三卷附錄一卷（南朝梁）吳均撰（明）張燮輯

序 一一七

目錄 一二一

卷一 一三七

卷二 一六三

卷三 一九七

附錄 一二九

吳均（南朝梁）吳均撰（清）嚴可均輯 二四九

吳均（南朝梁）吳均撰 丁福保輯 二五七

周興嗣（南朝梁）周興嗣撰（明）馮惟訥輯 二八八

周興嗣（南朝梁）周興嗣撰（清）嚴可均輯 二九一

周興嗣（南朝梁）周興嗣撰 丁福保輯 二九四

劉峻（南朝梁）劉峻撰（明）馮惟訥輯 二九五

劉戶曹集二卷附錄一卷（南朝梁）劉峻撰（明）張燮輯

序 二九九

目錄 三〇三

卷一		三〇七
卷二		三三五
附錄		三五九
劉孝標文抄一卷	(南朝梁)劉峻撰 (明)李賓輯	三七七
劉峻	(南朝梁)劉峻撰 (清)嚴可均輯	四一七
劉峻	(南朝梁)劉峻撰 丁福保輯	四三九
王僧孺	(南朝梁)王僧孺撰 (明)馮惟訥輯	四四二
王左丞集三卷附錄一卷	(南朝梁)王僧孺撰 (明)張燮輯	
序		四六一
目錄		四六五
卷一		四七七
卷二		五〇一
卷三		五三七
附錄		五七九
王左丞集	(南朝梁)王僧孺撰 (明)葉紹泰輯	六〇三
王僧孺	(南朝梁)王僧孺撰 (清)嚴可均輯	六一五
王僧孺	(南朝梁)王僧孺撰 丁福保輯	六五二

何遜

遜字仲言，閬從兄子。宋御史中丞承天曾孫。州舉秀才，天監中爲奉朝請，遷中衛建安王水曹行參軍，隨府遷江州，還爲安西安成王參軍，兼尚書水部郎，除仁威廬王記室，復隨府江州。有集七卷。

窮鳥賦

嗟窮鳥之小鳥，意局促而馴擾。聲寓物而知哀，翮排虛而藝文類聚作空不矯。望絕侶於霞夕，聽翔羣於月曉。旣滅志於雲霄，遂甘心於園沼。時復搶榆枋，至觸案窮歸。若絕氣而自墮，似驚弦之不飛。同雞埒而其宿，啄雁稗以爭肥。異海鷗之去就，無青鳥之是非。豈能瑞周德而丹羽，感燕悲而素暉。雖有知於理會，終失悟於心機。初學記三

十又略見藝文類聚九十二

與建安王謝秀才牋

州民泥塗何遜死罪卽日被板以民充年秀才民謝聲口口口非
關右月旦口口口名誰錄覩物託興乏澹雅之才口口口文豈飄
然之作伏惟大王殿下令聞令望邁楚逾河好德好士雲歸海赴
若夫選重雄州望隆觀國必使聲高後進德繼前修民學異扣鐘
辨慚炙輠將以允應貢選待問金門上第甲科旣慚髣髴管窺雖
畫彌畏友朋恩榮忽賁固請無涯便當妄忝魯服濫同齊吹戰荷
屏營忻惶共色不任下情謹奉牋以聞

爲孔導辭建安王牋

士實塗泥美非竹箭昔逢際會忝申名質悠悠漢水獨驚輕舟雖
慕義如歸而暗投多愆遂禮頻上席愛比後車感此隆遇久知輕
死軒蓋出內歷念陪遊府朝升進隨事多幸賜餘論於顏色奉德
音於宴和藉此增榮遂延繆價今便除名復足在寬身非木石

戀同犬馬雖朝夕曳裾無違接待而職務一離有同賓客瞻階下拜屑涕無從永言僚故載懷罔已頡頏之禽慚悲於出幕蒙茸之獸結志於首丘

爲衡山侯與婦書

昔人邀遊洛汭會遇陽臺神仙髣髴有如今別帳前微笑涉想猶存而幄裏餘香從風且歇掩屏爲疾引領成勞鏡想分鸞琴悲別鶴心如膏火獨夜自煎思等流波終朝不息始知萋萋萱草忘憂之言不實團團輕扇合歡之用爲虛路邇人遐音塵寂絕一日三秋不足爲喻聊陳往翰寧寫款懷遲枉瓊瑤慰其杼軸

案前明張紘所刻集本有七召張溥本從之七召出文苑英華三百五十二在簡文帝七勵之後無名氏前不言何遜作葉紹泰又編入昭明集皆無所據也今入梁闕名類

大四百五十七
小七十九

全梁詩卷九

無錫丁福保仲祐編纂

何遜

字仲言東海郟人承天曾孫也天監中起家奉朝請遷建安王水曹參軍王愛文學日與宴遊及遷江州遜猶掌書記復為安西成二王參軍事兼尚書水部郎除廬陵王記室復隨府江

州未幾卒有集七卷

樂府

銅雀妓

秋風木葉落蕭瑟管絃清望陵歌對酒向帳舞空城寂寂簷一作簾宇曠
飄飄帷幔輕曲終相顧起日暮松柏聲

擬輕薄篇

城東美少年

城東一作長安

重身輕萬億柘彈隨珠丸白馬黃金勒勸樂苑作飾

長安九

逵上青槐陰道植轂擊晨已喧肩排暝不息

暝宋刻玉臺作暗今從藝文類聚

走狗通西望

通古樂府作東誤

牽牛亘南直

亘或作向

相期百戲旁去來三市側象牀沓繡被玉盤

傳綺食倡女掩扇歌小婦開簾織

倡女古樂府作大姊小婦古樂府作小妹

相看獨隱笑見人還

歛色黃鶴悲故羣

鶴樂苑作鶴

山枝詠初識

初一作新

鳥飛過客盡

鳥或作鳥

雀聚行龍

匿酌羽方厭厭

方宋刻玉臺作前不甚可解今從古樂府

此時歡未極

門有車馬客

樂府作何妥

門有車馬客言是故鄉來故鄉有書信縱橫印檢開開書看未極行客
屢相識借問故鄉來潺湲淚不息上言離別久下言

或作道

望應歸寸心

將夜鵠

一作鵠

相逐向南飛

昭君怨

樂府作何妥

昔聞白鶴弄已自軫離情今來昭君曲還悲秋草生

樂府作并

詩

九日侍宴樂游苑

爲西封侯作

皇德無餘讓重規襲帝勛垂衣化比屋睠顧愼爲君翺飛悅有道卉木
荷平分宸襟動時豫歲序屬涼氛城霞旦晃朗槐霧曉氤氳鸞輿和八
襲鳳駕啓千羣羽觴懽湛露佾舞奏承雲禁林終宴晚華池物色曛疏
樹翻高葉寒流聚細紋晴軒連瑞氣同

一作飛

惹御香芬日斜迢遞宇風

起嵯峨雲運偶參侯服恩洽厠朝聞於焉藉多幸歲暮仰遊汾

登石頭城

關城乃形勢地

百三家作城

險差非一馬嶺逐紆回大牙傍隆翠百雉極襟帶

億庾兼量出至理歸無爲善守竟何恤眺聽窮耳目遠近備幽悉擾擾見行人暉暉視落日連檣入廻浦飛蓋交長術天暮遠山青潮去遙沙出薄宦惡師表屬辭慙愈疾願乘轂鯨牛還隱蒙籠室

望解前水竹答崔錄事

拾遺作願則心詩

蕭蕭聚竹映澹澹平湖淨葉倒漣漪文水漾檀欒影相思不會面相望空延頸遠天去浮雲長墟斜落景幽痾與歲積賞心隨事屏鄉念一遭廻白髮生俄頃

暮秋答朱記室

游揚日色淺騷屑風音勁寒潭見底清風色極天淨寸陰坐銷鑠千里長遼迴桃李爾繁華松柏余本性故心不存此高文徒可詠

酬范記室雲

林密戶稍陰草滋堦欲暗風光蕞上輕日色花中亂相思不獨懽佇立

空爲歎清談莫共理繁文徒可玩高唱子自輕繼音予可憚

落日前墟望贈范廣州雲

綠溝綠草蔓扶援雜華舒輕煙澹柳色重霞映日餘遙遙長路遠一作晚

寂寂行人疎我心懷碩德思欲命輕車高門盛遊侶誰肯進敗漁

日夕望江山贈魚司馬一本無山字

湓城帶湓水湓水縈如帶日夕望高城耿耿青雲外耿耿或作眇眇城中多宴賞

絲竹常繁會管聲已流悅絃聲復淒切淒或作悽歌黛慘如愁舞腰疑欲絕

疑百三家作凝仲秋黃葉下長風正騷屑早雁出雲歸故燕辭檐別書悲在異縣

在本一作還夜夢還洛汭洛汭何悠悠起望登西樓登西或作西南的的帆向浦團團月

隱洲月宋刻玉臺誤作日隱本集誤作映據黃伯思東觀餘論改正誰能一羽化輕舉逐飛浮

答丘長史

宿昔敦遠遊名分乃異路千里泝波潮一朝披雲霧從容捨密勿繾綣論襟趣披文極詆訶析理窮章句明鍾信有待巨海誰能喻奔景驟西傾還途忽東驚黃花發岸草赤葉翻高樹漁舟乍回歸沙禽時獨赴宴

年時未幾離歌脩成賦伊我念幽關夫君思贊務短翮方息飛長轡日
先驅曝鰓□□走逸翮康時務握手異沈浮佳期安可屢

道中贈桓司馬季珪

晨纜雖同解晚洲阻共入猶如征鳥飛差池不可及本願申羈旅何言
異翔集君渡北江時詎今南浦泣

夕望江橋示蕭諮議楊建康江主簿

夕鳥已西度殘霞亦半消風聲動密竹水影漾長橋旅人多憂思寒江
復寂寥爾情深羣洛予念返漁樵何因適歸願分路一揚鏹

寄江州褚諮議

自與君別離四序紛廻薄分手清江上念別猶如昨追憶邊城遊奚尋
平生樂俱登龍嵒嶺共坐逶迤閣清吹或忘歸繁文時間作連鏹戲淺
草遊憶遵長薄五載同衣裘一朝異睽索夫君頗留滯驂駢未沃若伊
家從入關終是填溝壑早秋正悽愴餘暉晚銷鑠林葉下仍飛水花披
未落如何隔千里無由舉三爵因君奏采蓮爲余吟別鶴

入西塞示南府同僚

露清曉風冷天曙江晃

一作光

爽薄雲巖際出初月波中上黯黯連嶂陰

騷騷急沫響迴棹急礙浪羣飛爭戲廣伊余本羈客重睽復心賞望鄉雖一路懷歸成二想在昔愛名山自知懽獨往情游乃落魄得性隨怡養年事以蹉跎生平任浩蕩方還讓夷路誰知羨魚網

下直出谿邊望答虞丹徒敬

敬集作教

夫君美章句席丈珍梁楚伊余忝攝官含毫亦禁阻直廬去咫尺心期得宴語休沐乃幽棲別離未幾許佇立日將暮相思忽無緒谿北映初星橋南望行炬九重不可越三爵何由舉

贈諸遊舊

弱操不能植薄伎竟無依淺智終已矣令名安可希擾擾從役倦屑屑身事微少壯輕年月遲暮惜光輝一塗今未是萬緒昨如非新知雖已樂舊愛盡睽違望鄉空引領極目淚沾衣旅客長憔悴春物自芳菲岸花臨水發江燕遶橋飛無由下征帆獨與暮潮歸

贈族人秣陵兄弟

何思澄爲秣陵令

吾宗昔多士文雅高縉紳小子無學術丁寧困負薪傍枝實紛亂領袖
寄親姻名價齊兩許閨門比三陳風力咸通邁藝業並紛綸元方振高
羽洛令初解巾自爾典名郡所在號清淳齊兒敢爲俗蜀物豈隨身祿
俸不妻子謳吟乃吏民孰云穢明德惟在中聖人若能遺酌我稱首當
屬仁仲將本特達坎壈猶賤貧方成天下士豈伊席上珍外情或簡易
內鑒甚人倫時然臨下邑摘伏信如神顧余晚脫略懷抱日湮淪游宦
疲年事來往厭江濱十載猶先職一官乃任眞土牛竟不進芻狗空重
陳羈旅無儔匹形影自相親蕭索高秋暮砧杵鳴四鄰霏霏入窗雨漠
漠暗牀塵所思不可見邈若胡與秦願子加餐飯良會在何辰

秋夕仰贈從兄寘南

堦蕙漸翻葉池蓮稍罷花高樹北風響空庭秋月華寸心懷是夜寂寂
漏方賒撫弦乏歡娛臨觴獨歎嗟悽愴戶涼入徘徊欄影斜無爲淹戚
里見就還田家